

**Акафист Пресвятей Богородице в честь иконы Ея, именуемая  
Воспитание.**

**Кондак 1**

Взбранной Воеводе и усердной Воспитательнице рода христианскаго, яко избавльшися от злых, благодарственная восписуем Ти раби Твои, Богородице, но яко имущая державу непобедимую, от всяких бед чад наших свободи, да зовем Ти: **Радуйся**, благая Воспитательнице, воспитанная во Свята́я Святы́х.

**Икос 1**

**А**нгела с Небесе́ послати ча́дом нашим исходатайствуй, Пресвятая, у Сына Твоего́ и Бога́ нашего, якоже и Тебе́ послан бысть Гавриил Архангел, и сподоби ны зывати Тебе́ сице:

**Р**адуйся, рождением Твоим родителей обрадовавшая;

радуйся, со слезами многими у Бога́ испрошенная.

Радуйся, молитвы и поста́ светлое прозябение;

радуйся, благочестивыя жизни красный плоде.

Радуйся, от младенства святаго послушания исполненная;

радуйся, благочестием от сосцú матерню напоенная.

Радуйся, любви́ всесветлое жилище;

радуйся, милостей Господних сокровище.

**Р**адуйся, благая Воспитательнице, воспитанная во Свята́я Святы́х.

**Кондак 2**

**В**идящи наше слезное родительское моление, умилосердися, Владычице, о чадах наших, буди им Покров и Заступление, да в веселии воззовут Богу: **Аллилу́иа**.

**Икос 2**

**Р**азум ча́дом нашим низпосли́, еже како́ добре Ти послужити, и напо́лни сердца́ их премудростию Небесною, да потщатся сию́ любити и над земным поставляти, и не отри́ни моления́ нашего, во еже зывати Тебе́ такова́я:

**Р**адуйся, детство Твое́ при хра́ме проведшая;

радуйся, во Свята́я Святы́х возше́дшая.

Радуйся, Еди́ному Бо́гу посвященная;

радуйся, молившаяся Ему́ день и но́щь.

Радуйся, чистоту́ и целомудрие измлада возлюбившая;

радуйся, смирение́ Своё́ всеу́сердно сохранявшая.

Радуйся, молитвою к Бо́гу присно пламеневшая;

ра́дуйся, похвало́ и ра́досте роди́телей святы́х.

Ра́дуйся, бла́гая Воспита́тельница, воспита́нная во Свята́я Святы́х.

### Кондак 3

Си́ла Вы́шняго да осени́т ча́да на́ша Твоего́ ра́ди неусы́пнаго предста́тельства за них пред Сы́ном Твои́м, и позна́вше Твое́, Богомати, милосе́рдие ко всем с ве́рою притека́ющим к Тебе́, воззову́т Бо́гу: Аллилу́иа.

### Икос 3

Иму́ще от Бо́га чад на́ших, не хо́щем зрети́ их в геенне о́гненной пребы́вающих, но в кни́зе жи́зни напи́санных. Сего́ ра́ди, Пречи́стая Де́во, приклони́ся ко гла́су молéния нас, зыва́ющих Тебе́:

Ра́дуйся, Ма́ти Бо́га и Сло́ва;

ра́дуйся, Свята́я Святы́х бо́льшая.

Ра́дуйся, Воспита́тельница Сы́на Бо́жия;

ра́дуйся, Корми́лице Го́спода Сил.

Ра́дуйся, ро́ждшая Спаси́теля ми́ра;

ра́дуйся, возрасти́вшая Изба́вителя пленённым.

Ра́дуйся, я́ко но́сиши Наста́вника заблуждшим;

ра́дуйся, я́ко Сын Твой Бог и Госпо́дь.

Ра́дуйся, бла́гая Воспита́тельница, воспита́нная во Свята́я Святы́х.

### Кондак 4

Бу́рю ви́дяще собла́знов много́различных, умно́жившихся в ми́ре сем, к Тебе́, Благода́тная, зыва́ем о ча́дах своих, да избе́гнут сих и вопию́т Бо́гу: Аллилу́иа.

### Икос 4

Слы́шаще глас Твой, глаго́лющий Сы́ну Твоему́: «Приими́ вся́кого моля́щагося Тебе́ и призыва́юща и́мя Моё на по́мощь», — простира́ем ру́це на́ша в моли́тве к Твоему́ милосе́рдию, да при́емши проше́ния на́ша, воспева́ющих си́це:

Ра́дуйся, от уны́ния зла́го чад на́ших избавля́ющая;

ра́дуйся, от безу́мнаго весéлия их огражда́ющая.

Ра́дуйся, в несéнии креста́ их укрепля́ющая;

ра́дуйся, в по́двизех благоче́стия их утвержда́ющая.

Ра́дуйся, под по́кровом Твои́м милостиво их сохра́няющая;

ра́дуйся, здра́вие душ и телёс им пода́ющая.

Ра́дуйся, усёрдная Наста́внице целому́дря;

Ра́дуйся, милостивая Взыска́тельница заблуждших.

Ра́дуйся, бла́гая Воспита́тельница, воспита́нная во Свята́я Святы́х.

### Кондак 5

Боготе́чная звезда́ у́тренняя, Сын Твой, Пресвята́я Де́во, да возсия́ет све́том невече́рним в сердца́х ча́д на́ших, во е́же взыва́ти им к Бо́гу: Аллилу́иа.

### Икос 5

Ви́дящи на́ше приле́жное моле́ние, не отврати́ лица́ Твоего́ от ча́д на́ших, а́ще и отвратя́тся Тебе́, и услы́ши глаго́лы уст на́ших, вопию́щих тако́вая:

Ра́дуйся, ча́д на́ших имети́ ра́зум на до́брое науча́ющая;

ра́дуйся, на пу́ти греха́ их запи́нающая.

Ра́дуйся, пра́во ше́ствовати их наста́вляющая;

ра́дуйся, от лука́вства злых челове́к их огражда́ющая.

Ра́дуйся, в злострада́нии их укрепля́ющая;

ра́дуйся, благодарити́ Бо́га о всем науча́ющая.

Ра́дуйся, бла́гая Ходата́ице прісно о ча́дех на́ших к Сы́ну Твоему́;

ра́дуйся, Споручни́це их пред Творце́м и Бо́гом.

Ра́дуйся, бла́гая Воспита́тельница, воспита́нная во Свята́я Святы́х.

### Кондак 6

Пропове́дует весь мир христиа́нский Твое́ всегда́шнее заступле́ние о моля́щихся Тебе́. Си́це и ны́не услы́ши многоболе́зненное сие́ роди́тельское моле́ние о ча́дех на́ших, во е́же зва́ти им Бо́гу: Аллилу́иа.

### Икос 6

Да возсия́ет луча́ благода́ти в душа́х ча́д на́ших, и, просвеще́ннии Тобо́ю, у́зрят пу́ть, веду́щий в живо́т ве́чный, и по́йдут по нему́, сохра́няеми под Твои́м всемогу́щим покрóвом. Сего́ ра́ди услы́ши нас, зову́щих Ти тако́вая:

Ра́дуйся, роди́телей на любо́вь бла́гу к ча́дом свои́м подвига́ющая;

ра́дуйся, ча́д, во е́же роди́телей свои́х чтити, наста́вляющая.

Ра́дуйся, прося́щим подаю́щая ра́зум;

ра́дуйся, ве́рных оза́ряющая смы́слы.

Ра́дуйся, всех скорбя́щих ра́досте;

ра́дуйся, умягче́ние злых серде́ц.

Ра́дуйся, отра́до и утеше́ние;

ра́дуйся, прибавле́ние ума́.

Ра́дуйся, бла́гая Воспита́тельница, воспита́нная во Свята́я Святы́х.

### Кондак 7

Хотяще ча́дом на́шим вѣчнаго спасѣния, со слеза́ми предсто́им пред честною́ Твоею́ ико́ною, Влады́чице, да не прѣзриши моле́ния на́шего, вегда звати Сы́ну Твоему́: Аллилу́иа.

### Икос 7

Но́вую покажи́ ми́лость на ча́дех на́ших, Влады́чице, и неизсле́димыми судьба́ми Сы́на Твоего́ привлецы́ их под Свой благода́тный покрóв, да усер́дно зове́м Ти:

Ра́дуйся, воспита́ние чад на́ших, во е́же изба́виться им му́ки вѣчныя;

ра́дуйся, воспита́ние чад на́ших, во е́же насле́довати им блаже́нство непреста́ющее.

Ра́дуйся, пробужде́ние со́вести чад на́ших на покая́ние;

ра́дуйся, пита́ющая их пло́дами добротолю́бия.

Ра́дуйся, премилосе́рдная Уте́шительнице всех скорбя́щих и обремене́нных;

ра́дуйся, неусыпа́ющая Наста́внице всех заблуждших и ослепле́нных.

Ра́дуйся, Судии́ пра́веднаго умоле́ние;

ра́дуйся, мно́гих согреше́ний прощѣние.

Ра́дуйся, благая́ Воспита́тельница, воспита́нная во Свята́я Святы́х.

### Кондак 8

Стра́нствующе во юдо́ли сей многоско́рбней по мо́рю многомяте́жному страсте́й, ча́да на́ша где обря́щут твёрдое приста́нище, а́ще не в Тебе́, Пречи́стая? Спутешество́уй же им и наста́ви их на путь и́стинный, да зову́т Бо́гу: Аллилу́иа.

### Икос 8

Всем еси́ Ма́ти ми́люющая, Пречи́стая Де́во, якоже Христóс Спаси́тель рече́ Тебе́, у Креста́ Его́ предстоя́щей: «Се, сын Твой», — указу́я на избра́ннаго от учени́к Свои́х. Сего́ ра́ди вруча́ем ча́да на́ша в ру́це Твой и во смире́нии зове́м Ти:

Ра́дуйся, чад на́ших благосе́рдая Путево́дительнице;

ра́дуйся, те́рния грехо́вных страсте́й милосе́рдая Искорени́тельница.

Ра́дуйся, отра́ду в пусты́ни греха́ подаю́щая;

ра́дуйся, в день ско́рби утеша́ющая.

Ра́дуйся, в зе́млю обетова́ния путево́дствующая;

ра́дуйся, воду живую нам источающая.

Ра́дуйся, совершенный ра́зуме наставля́ников и детово́дителей;

ра́дуйся, благослове́ние домо́в и семе́йств благоче́стивых.

Ра́дуйся, благая Воспита́тельница, воспита́нная во Свята́я Святы́х.

### Кондак 9

Вся́каго блага́ испо́лни серде́ца и ду́ши ча́д на́ших, отгоня́ючи от них ду́х злосра́днаго безбо́жия, нече́стия и блудоде́йства, и́же в ми́ре сем. Сохрани́ рабо́в Твои́х в чистоте́ и целому́дрии, да взыва́ют во умиле́нии Бо́гу: Аллилу́иа.

### Икос 9

Ветий́ суему́дренных, лжу́щих на Твое́ всемо́щное заступле́ние, отжени́, Ма́ти Бо́жия, от ча́д на́ших, да не попо́лзнутся умо́м в душе́тленная́ уче́ния и не обратя́тся се́рдцем в по́хоти безме́стных, но при́зри на ны, ве́рно вопию́щая:

Ра́дуйся, до́брым нра́вом ча́д на́ших науча́ющая;

ра́дуйся, от злых на́выков их избавля́ющая.

Ра́дуйся, му́дрых наставля́ников Твои́м рабо́м посыла́ющая;

ра́дуйся, от путе́й худы́х их отвраща́ющая.

Ра́дуйся, благо́му уче́нию внима́ти призыва́ющая;

ра́дуйся, су́етныя ба́сни презира́ти помога́ющая.

Ра́дуйся, Бо́жие ко грешным́ благоволе́ние;

ра́дуйся, каю́щихся пред Го́сподем кре́пкое заступле́ние.

Ра́дуйся, благая Воспита́тельница, воспита́нная во Свята́я Святы́х.

### Кондак 10

Спасти́ хотя́ мир, Христос́ Бог призва́ не пра́ведники, но грешники́ на покая́ние. Сего́ ра́ди моли́ся Сы́ну Твоему́ о ча́дех на́ших, а́ще и оты́дут на страну́ далече́, оба́че взыска́нии Твои́м Ма́терним заступле́нием, возвратя́тся в сокруше́нии се́рдца к Отцу́ Небе́сному и воззову́т Ему́: Аллилу́иа.

### Икос 10

Стена́ несокруши́мая яви́ся, Небе́сная Цари́це, ча́дом на́шим, да Твои́м предста́тельством избе́гнут зми́ева приноше́ния, кра́снаго в снедь, последи́ же смертоно́снаго, и возмо́гут се́рдца своя́ чисты́ сохранить. Сего́ ра́ди вопие́м Ти тако́вая:

Ра́дуйся, избавля́ющая ча́д на́ших от ядови́таго зели́я;

ра́дуйся, спаса́ющая их от душепа́губнаго пития́.

Ра́дуйся, от блудоде́йства их сохраня́ющая;

ра́дуйся, целому́дрию их науча́ющая.  
Ра́дуйся, потре́бление вся́каго обольще́ния;  
ра́дуйся, избавле́ние вся́каго смуще́ния.  
Ра́дуйся, трезвене́ния Побо́рнице;  
ра́дуйся, му́дрости Хода́таице.  
Ра́дуйся, благая́ Воспита́тельница, воспита́нная во Свята́я Святы́х.

### Кондак 11

Пе́ти Твое́е необори́мое заступле́ние ви́ну сподо́би ча́д на́ших, да обря́щут Тебе́ кре́пкую Помо́щницу, и Твое́ю благода́тию отве́рзут уста́ своя́ воспева́ти Бо́гу: Аллилу́иа.

### Икос 11

Светопріемную свещу́ житіе́ ча́д на́ших соде́лай, да прісно горя́т любо́вию к Сы́ну Твоему́ и к Тебе́, Всенепоро́чная, и не прэ́зри нас, зову́щих Ти:

Ра́дуйся, мглу́ собла́знов разгона́ющая;  
ра́дуйся, тьму́ страсте́й просвеща́ющая.  
Ра́дуйся, зрéние храни́ти науча́ющая;  
ра́дуйся, блюсти́ чувствовани́я наставля́ющая.  
Ра́дуйся, щедро́т неизрече́нных Ма́ти;  
ра́дуйся, ча́д на́ших побужда́ющая в благоговéнии Тебе́ предстоя́ти.

Ра́дуйся, утеше́ние им в ско́рби непрело́жное;  
ра́дуйся, от набе́га лука́вых прибе́жище всеути́шное.

Ра́дуйся, благая́ Воспита́тельница, воспита́нная во Свята́я Святы́х.

### Кондак 12

Благода́тию неизрече́нною Ду́ха Свята́го напитай́ сердца́ ча́д на́ших, е́же возлю́бити то́кмо Сы́на Твоего́ и Бо́га, и Тебе́, Преблага́ую Засту́пницу, да подвигше́ся Тобо́ю, зову́т Царю́ вся́ческих: Аллилу́иа.

### Икос 12

Пою́ще Твое́е милосе́рдие, їмже ми́луеши и пита́еши ча́д на́ших, мо́лимся: не преста́й проси́ти о них Сы́на Твоего́, я́ко вся Тебе́ возмо́жна суть, и услы́ши мо́льбы́ на́ша такова́я:

Ра́дуйся, к Све́ту істины́ ча́д наших приво́дящая;  
ра́дуйся, в житии́ хри́стианстем их утвержда́ющая.  
Ра́дуйся, ро́су благода́ти Твое́я им пода́ющая;  
ра́дуйся, млеко́м істины́ их пита́ющая.  
Ра́дуйся, я́ко помога́еши ча́да на́ша соде́лати земны́я а́нгелы;

ра́дуйся, яко споспéшествуеши им ста́ти Небéсными челове́ки.  
Ра́дуйся, насле́дники Ца́рствия Небéснаго их показу́ющая;  
ра́дуйся, во оби́телях Небéсных их водворя́ющая.  
Ра́дуйся, благáя Воспита́тельница, воспита́нная во Свята́я Святы́х.

### Кондак 13

О, Всепéтая Ма́ти Иису́са Сладча́йшаго! Приими́ ма́лое сие́ моле́ние о ча́дах на́ших в воню́ благоухáния духо́внаго и за́щити́ их Твои́м милосéрдным покрóвом. Ещé же да́руй им мы́слити, глаго́лати и твори́ти то́чию Сы́ну Твоему́ и Тебе́ уго́дная и послí им в жи́зни сей привре́менной вся полéзная ко спасéнию душ их, да воспева́ют Бо́гу: Аллилу́иа.

### Молитва

О, Пресвята́я Влады́чице Де́во Богоро́дице, премилосéрдная Ма́ти всех челове́к, спаси́ и сохрани́ под кро́вом Твои́м чад на́ших [имена], и всех отроко́в, отрокови́ц, младе́нцев и во утробех матернех носíмых. Покры́й их ризо́ю Твое́ю, соблюди́ их во стра́се Бо́жием и послуша́нии роди́телем, умоли́ Го́спода на́шего и Сы́на Твоего́, да да́рует им вся, я́же ко спасéнию полéзная. Вруча́ем их Ма́тернему смотре́нию Твоему́, яко Ты еси́ Божéственный покрóв рабо́м Твои́м. Ами́нь.